

SESSION 2009

---

**CONCOURS EXTERNE  
DE RECRUTEMENT DE PROFESSEURS AGRÉGÉS**

Section : GRAMMAIRE

VERSION LATINE

Durée : 4 heures

---

*Les dictionnaires latin-français Bornecque, Gaffiot, Goelzer et Quicherat sont autorisés.*

*L'usage de tout ouvrage de référence, de tout autre dictionnaire et de tout matériel électronique est rigoureusement interdit.*

*Dans le cas où un(e) candidat(e) repère ce qui lui semble être une erreur d'énoncé, il (elle) le signale très lisiblement sur sa copie, propose la correction et poursuit l'épreuve en conséquence.*

*De même, si cela vous conduit à formuler une ou plusieurs hypothèses, il vous est demandé de la (ou les) mentionner explicitement.*

**NB :** *Hormis l'en-tête détachable, la copie que vous rendrez ne devra, conformément au principe d'anonymat, comporter aucun signe distinctif, tel que nom, signature, origine, etc. Si le travail qui vous est demandé comporte notamment la rédaction d'un projet ou d'une note, vous devrez impérativement vous abstenir de signer ou de l'identifier.*

**Tournez la page S.V.P.**

Nam quaecumque uides hilario grandescere adauctu,  
paulatimque gradus aetatis scandere adultae,  
plura sibi adsumunt quam de se corpora mittunt,  
dum facile in uenas cibus omnis inditur, et dum  
5 non ita sunt late dispessa, ut multa remittant  
et plus dispendi faciant quam uescitur aetas.  
Nam certe fluere atque recedere corpora rebus  
multa, manus dandum est ; sed plura accedere debent,  
donec alescendi summum tetigere cacumen.  
10 Inde minutatim uires et robur adultum  
frangit, et in partem peiorem liquitur aetas.  
Quippe etenim quanto est res amplior, augmine adempto,  
et quo latior est, in cunctas undique partis  
plura modo dispargit et a se corpora mittit,  
15 nec facile in uenas cibus omnis diditur ei,  
nec satis est, pro quam largos exaestuat aestus,  
unde queat tantum suboriri ac subpeditare.  
Iure igitur pereunt, cum rarefacta fluendo  
sunt, et cum externis succumbunt omnia plagis,  
20 quandoquidem grandi cibus aeuo denique defit,  
nec tuditantia rem cessant extrinsecus ullam  
corpora conficere et plagis infesta domare.

Sic igitur magni quoque circum moenia mundi  
expugnata dabunt labem putrisque ruinas.  
25 Omnia debet enim cibus integrare nouando,  
et fulcire cibus, cibus omnia sustentare,  
nequiquam, quoniam nec uenae perpetiuntur  
quod satis est, neque quantum opus est natura ministrat.  
Iamque adeo fracta est aetas, effetaque tellus  
30 uix animalia parua creat, quae cuncta creauit  
saecla, deditque ferarum ingentia corpora partu.  
Haud, ut opinor, enim mortalia saecla superne  
aurea de caelo demisit funis in arua  
nec mare nec fluctus plangentes saxa crearunt,  
35 sed genuit tellus eadem quae nunc alit ex se.

Praeterea nitidas fruges uinetaque laeta  
sponte sua primum mortalibus ipsa creauit,  
ipsa dedit dulcis fetus et pabula laeta ;  
40 quae nunc uix nostro grandescunt aucta labore ;  
conterimusque boues et uiris agricolarum,  
conficimus ferrum uix aruis suppeditati :  
usque adeo parcunt fetus augentque laborem.  
Iamque caput quassans grandis suspirat arator  
crebrius, incassum magnum cecidisse laborem,  
45 et cum tempora temporibus praesentia confert  
praeteritis, laudat fortunas saepe parentis.  
Tristis item uetulae uitis sator atque uietae  
temporis incusat momen saeclumque fatigat,  
et crepat anticum genus ut pietate repletum  
50 perfacile angustis tolerarit finibus aeuum,  
cum minor esset agri multo modus ante uiritim ;  
nec tenet omnia paulatim tabescere et ire  
ad capulum spatio aetatis defessa uetusto.